



Funtauna: ©RTR

**La SSR ha adina resguardà sco ina da las incumbensas principalas entaifer il servetsch public da rapportar dal svilup da la cultura religiosa e da sa participar al dialog spiritual e religios.**

## Ina tematica francada en la populaziun

Las cifras dal Uffizi federal da statistica davart l'appartegnientscha ad ina religiun mussan che 38 pertschient da la populaziun svizra èn catolics, 26 pertschient evangelics, 5 pertschient muslims, 0,5 pertschient hinduists e budists e 0,2 pertschient gidieus. 22 pertschient han inditgà d'appartegnair a nagina religiun.

Ina gronda part da la populaziun retira sias valurs da differentas furmas da cardientscha e da praticas religiosas/spiritualas. La globalisaziun, fenomens da migraziun e l'augment da conflicts rinforzan il basegn da valurs e dal dialog tranter las culturas e religios.

41 pertschient da la populaziun fa almain ina giada l'onn ina visita ad in lieu cultic.

La populaziun duai tenor la concessiun dal 2007 survegnir infurmaziuns da buna qualitat e reflexiuns profundas davart temas religios e spirituals.

## Vista da la SSR

Il radio e la televisiun mussan cleramain lur avvertenza envers dumondas religiosas e spiritualas; els porschan cuntengns da pregias ed er emissiuns schurnalisticas cun egliada critica.

Dapi il 2007 vegn la religiun menziunada explicitamain en la concessiun. Al cumenzament da la collavuraziun sa restrenscheva il mandat a la derasaziun da messadis religios ed a la transmissiun da cults divins. Tut ils participants eran spirituals. Il svilup social ha manà ad in basegn pli grond d'infurmaziuns da natira religiosa, ch'ins na dastga dentant betg confunder cun la promoziun d'instituziuns ecclesiasticas u cun pregias.

La SSR guarda da tractar cun respect ils temas religios e las persvasiuns persunalas. Ella s'occupa da tut las dumondas davart las relaziuns tranter las religios e la societad e dat spazi a tut las famiglias religiosas. Ella promova il dialog interreligiun, dentant er quel tranter persunas cartentas e nuncartentas.

**La transmissiun da cults divins**

La transmissiun da cults divins ha tradiziun en il servetsch public: l'emprima emissiun al radio deriva da l'onn 1923. Ils onns tschun-canta èn alura suandadas las emprimas emissiuns a la televisiun. En il decurs dal temp s'ha etablida la transmissiun permanenta da pregias e da messas al radio ed a la televisiun.

Il radio e la televisiun, entant però er las paginas da multimedia, transmettan regularmain pregias per tut ils cartents che na pon betg ir en baselgia. Al radio cuntanschan quellas transmissiuns en ils segunds programs fitg bunas cifras d'auditors.

Per blers umans èn quellas emissiuns, independentamain dal chanal, eveniments spezial, grazia als quals els tegnan il contact cun lur cuminanza religiosa.

L'emissiun da pregias ha ina piazza impurtanta en ils programs da radio e da televisiun:



Emissiun directa d'ina messa d'Ascensiun tar RTS



Funtauna: ©RTS Screenshot

- RTS:** Radio: Mintg'emna transmissiun da messa e pregia  
TV: 2 producziuns l'onn  
Internet: 10 pregias l'onn sco live-streaming
- SRF:** Radio: 12 giadas l'onn. Las ulteriuras dumengias «Radiopredigt»  
Mintg'emna: «Ein Wort aus der Bibel»  
TV: 15 producziuns (da quellas 10 producziuns da SRF), cumplettadas da l'emissiun «Nachgefragt»  
Mintg'emna: «Wort zum Sonntag», in commentar personal da vista cristiana davart dumondas da la vita e temas socials u pli personals
- RSI:** Radio: Mintg'emna ina messa catolica e l'emissiun reformada «Tempo dello Spirito»  
TV: 4 producziuns da RSI (2 messas, 1 pregia, 1 cult divin ecumenic)  
Ils dis da festa impurtants 1 cult divin ed 1 messa, vul dir 16 emissiuns l'onn
- RTR:** Radio: mintg'emna ina pregia en l'emissiun «Vita e cretta»

La producziun e l'emissiun da pregias èn chaussa d'ina collavura-zion activa tranter las unitads d'interpresa da la SSR ed ina coordina-zion sin nivel europeic (Eurovision).



**GOTTESDIENST**

Funtauna: ©SRF





## La SSR sustegna la tschertga da valurs

En temps da gronda midada gioga la tschertga da valurs e da senn ina rolla impurtanta. En quel connex survegnan temas religios ed emissions colliadas cun quels ina nova muntada.

La revoluziun digitala, undas massivas da migraziun, la midada dal clima dentant er in extremissem creschent chaschunan midadas profundas da las structuras socialas e pisseran per malsegirezza en la populaziun.

En vista al current permanent d'infurmaziuns nunfiltradas è il giavisch d'objectivitat, dentant er da valurs fitg ferm. Quel fenomen vegn anc rinforzà da l'individualisaziun creschenta. L'incumbensa dals meds da massa da servetsch public è perquai da responder a quels basegns.



L'emission emnila «Faut pas croire» da RTS

## Vista dal program

Las redacziuns specialisadas mettan a disposiziun lur know-how a tut ils programs da la SSR. Ellas èn en responsablas per las suandantas emissions:

### RTS:

TV: Magazin emnil «Faut pas croire»

Radio: Ina cronica dal di «RTS religion» en «Le Journal du matin», nua ch'i vegn discutà in tema religios, teologic, spiritual u instituziunal  
Ils magazins emnils «Haute fréquence» (La Première) e «Babel» (Espace 2)

Web: La pagina-web specialisada sin dumondas religiosas  
RTS-religion vegn sviluppada ensemen cun Cath-Info e Médias-pro  
RTS-religion è preschent ultra da quai en las medias socialas

### SRF:

TV: «Sternstunde Religion»: infurmaziuns e debattas davart temas religios, spirituals ed intercultural  
«Bilder zum Feiertag»: pitschnas reportaschas davart festas che n'han betg ina relaziun cun las baselgias cristianas u cun cuminanzeas religiosas renconuschidas

Radio: «Blickpunkt Religion» e «Zwischenhalt»: magazins davart temas actuals, religios, etics, teologics u ecclesiastics  
«Perspektiven»: emissiun da profundaziun

Web: Tut las emissiun disponiblas en l'internet

### RSI:

TV: Magazins «Segni dei Temp» (baselgia refurmada) e «Strada Regina» (baselgia catolica)

Radio: «Chiese in diretta»: emissiun ecumenica sin Rete Uno

Web: Tut las emissiuns disponiblas en l'internet

### RTR:

TV: «Vita e cretta», magazin emnil cun temas religios, intercultural e spirituals ed ina pregia



L'emission «Bilder zum Feiertag» tematisescha la festa da glich gideua «Chanukka»



«Segni dei tempi» è l'emissiu da RSI per ils reformads



Funtauna: ©SRF

## Lioms structurals cun las baselgias

Per pudair ademplir questa incumbensa programmatica, collavura la SSR stretgamain cun las baselgias, cun resguard a l'autonomia da program pretendida da la Constituziun federala. Questa collavuraziun ha dentant furmas fitg differentas, tut tenor la regiun.

- RTS:** Il 1. da november 2016 è vegnida signada cun ils centers da medias da las baselgias catolica e reformada ina nova cunvegna.
- SRF:** La cunvegna cun las trais baselgias naziunalas (la crist-catolica, l'evangelic-reformada e la catolic-romana) è vegnida signada ils 22 da mars 2017 per tschintg onns. Ella pertutga mo l'annunziaziun cults divins, «Wort zum Sonntag» e.u.v.
- RSI:** Ils 6 da december 2012 è vegnida signada ina cunvegna cun la baselgia catolica e cun la baselgia reformada.
- RTR:** La redacziun spezialisada sa scuntra ina giada l'onn cun la cumissiun ecclesiastica da las baselgias grischunas.



L'avat da la claustra da Mustér en ina contribuziun da RTR

## Vista da la SSR: In engaschament consequent

Entant che questas emissiuins èn vegnidas preparadas e moderadas pli baud da spirituals, è sa mussà mussà cun il svilup da la societad e da las medias il basegn d'elavurar temas religios a la televisiun ed al radio a moda schurnalistica.

En regard finanziel muntan las emissiuins religiosas e spiritualas, sper la contribuziun da las baselgias, in engaschament consequent da la SSR.

En Svizra romanda ed en Svizra taliana surpiglian las baselgias ils custs redacziunals en connex cun pregias, entant ch'ils meds technics ed ina part dals custs redacziunals vegnan purtads da RTS ed RSI.

En Svizra romanda èn Cath-info e Media-Pro ils patruns dals schurnalists e producents dals magazins.

Extract da la concessiun dal Cussegl federal a la SRG SSR 2007:

### Art. 2 Incumbensa dal program

<sup>2</sup> En ses programs promova ella la chapientscha, la solidaritad ed il barat tranter las parts dal pajais, las cuminanze linguisticas, las culturas, las religiuns e las gruppaziuns socialas. Ella promova l'integrasiun da las estras e dals esters en Svizra, il contact da las Svizras e dals Svizzers a l'exteriur cun lur patria sco er la preschientscha da la Svizra a l'ester e la chapientscha per ses giavischs. Ella resguarda las atgnadads dal pajais ed ils basegns dals chantuns.